

Transakcijski računi: 134 020 000000 4674 ASA Banka dd Sarajevo,
161 065 000081 0074 Raiffeisen bank DD Sarajevo

Broj: 770/20

Datum: 28.04.2020.

Na osnovu člana 100 Zakona o javnim nabavkama Bosne i Hercegovine (Službeni glasnik BiH broj: 39/14) a postupajući po žalbi izjavljenoj od strane Treasure doo Zenica, podnesenoj JP Grijanje doo Kakanj dana 24.04.2020. putem e-maila, a zatim i slanjem žalbe poštom koja je zaprimljena dana 27.04.2020. godine na tendersku dokumentaciju u postupku javne nabavke „Javna nabavka predizoliranih cijevi, spojnica, lukova, fazonskih komada i poliuretanske pjene“ broj 01/2020 od 16.03.2020. godine, Direktor preduzeća na prijedlog komisije za javne nabavke po ovom konkretnom postupku javne nabavke donosi:

RJEŠENJE

O djelimičnom usvajanju žalbe

Djelimično se usvaja žalba ponuđača Treasure doo Zenica na Tendersku dokumentaciju u postupku javne nabavke „Javna nabavka predizoliranih cijevi, spojnica, lukova, fazonskih komada i poliuretanske pjene“ broj 01/2020 od 16.03.2020. godine

Ovo Rješenje je osnov za preduzimanje radnje ispravljanja od strane Ugovornog organa i izmjene u okviru Tenderske dokumentacije broj 01/2020 od 16.03.2020. godine, te prateće izmjene Tenderske dokumentacije.

Ugovorni organ će o preduzetoj radnji ispravke Tenderske dokumentacije putem portala javnih nabavki obavijestiti sve potencijalne učesnike o nastavku predmetnog postupka, te će ovo Rješenje biti objavljeno na web stranici Ugovornog organa.

Rješenje stupa na snagu danom donošenja.

Obrazloženje

Postupak javne nabavke „Javna nabavka predizoliranih cijevi, spojnica, lukova, fazonskih komada i poliuretanske pjene“ broj 01/2020 od 16.03.2020. godine je pokrenut Odlukom o pokretanju postupka broj 539/2020 od 16.03.2020. Procijenjena vrijednost javne nabavke je 790.000,00 KM bez PDV-a, a postupak se provodi putem Otvorenog postupka za dostavu ponuda, sa obaveznim zaključivanjem Okvirnog sporazuma sa jednim ponuđačem. Tenderska dokumentacija je izmijenjena dana 13.04.2020. JP Grijanje doo Kakanj je dana 24.04.2020. godine putem e-maila zaprimilo žalbu od strane Treasure doo Zenica na tendersku dokumentaciju u postupku broj 01/2020 od 16.03.2020. godine i Izmjenu tenderske dokumentacije.

Ugovorni organ, JP Grijanje doo Kakanj konstatuje da je žalba blagovremena, dopuštena i izjavljena od strane ovlaštene osobe.

U žalbi je navedeno da Žalilac smatra da određene odredbe Tenderske dokumentacije nisu realne i da trebaju biti mijenjane.

Žalilac navodi sljedeće:

1.

I

Tačka 4: Predmet nabavke, Podtačka 4.3 Rok isporuke: Roba će se nabavljati sukcesivno, prema potrebama Ugovornog organa, a na osnovu potpisanog Okvirnog sporazuma i zaključenog pojedinačnog Ugovora u roku od 2 (dva) dana od slanja narudžbenice i navodi Obrazloženje:

Obrazac za cijenu ponude – Aneks 3 sadrži izuzetno obimnu specifikaciju materijala koji su predmet nabavke, pri čemu navodi ukupno potrebne količine, nego je cijene potrebno formirati kao jedinične

(jedinica mjere je navedena kao 1 kom/1 m/1 kg). Zahtijevani rok isporuke od dva dana je nedovoljan i nerealan za proizvodnju i isporuku robe koja je predmet nabavke i kao takav jedino može biti prihvatljiv ponuđaču koji unaprijed zna potrebne količine materijala koje će se isporučivati. Ovakav zahtjev stavlja u neravnopravan položaj sve ponuđače i smanjuje mogućnost dostavljanja više konkurentnih ponuda. Molimo da se navedeni uslov izmijeni i da se navede rok isporuke minimalno 30 (trideset) dana od dana dostavljanja narudžbenice.

II

Tačka 6: Kvalifikacija, Podtačka 6.5. – Ocjena ekonomskog i financijskog stanja dobavljača će se izvršiti na temelju sljedećih dokumenata:

- a) Izjava o ukupnom prometu u predmetnom segmentu poslovanja u iznosu od 600.000,00 KM za posljednje 3 godine.

Tačka 6, Kvalifikacije, Podtačka 6.7. Ocjena tehničke i profesionalne sposobnosti dobavljača će se izvršiti temeljem sljedećih izjava i dokumenata koje dostave dobavljači:

- a) Listu ugovora o predmetnom segmentu poslovanja koji su realizirani tokom posljednje 3 godine, sa potvrđama druge ugovorne strane o uspješno izvršenim realizovanim ugovorima; potvrde trebaju sadržavati vrijednosne iznose, datume i mjesto isporuke, predmet ugovora; da li su izvršeni u skladu sa pravilima i uspješno završeni. U slučaju da se takva potvrda ne može dobiti iz objektivnih razloga od ugovorne strane koja nije ugovorni organ, vrijedi izjava privrednog subjekta o uredno izvršenim isporukama robe uz predočavanje dokaza o učinjenim pokušajima da se takve potvrde osiguraju.

Obrazloženje:

Procijenjena vrijednost nabavke je 790.000,00 KM a iznos tražene referense u segmentu predmetnog poslovanja je 600.000,00 KM.

Traženi zahtjev za referencu je izuzetno visoke vrijednosti, te molimo da se navedeni uslov svede na iznos koji bi odgovarao vrijednosti nabavke na godišnjem nivou.

III

Tačka 9, Potpisivanje ugovora, Podtačka 9..2. Garancija za dobro izvršenje ugovora

Obrazloženje:

Ugovorni organ postavlja visoke kriterije ponuđačima u fazi nuđenja s jedne strane, dok sa druge strane ne osigurava da će izabrani ponuđač uredno izvršiti ugovor, jer ne zahtijeva garanciju za uredno izvršenje ugovora. Molimo da se i ovaj zahtjev uvrsti u tendersku dokumentaciju i da se traži od izabranog ponuđača i garancija za uredno izvršenje ugovora.

IV

Aneks 10 Nacrt Okvirnog sporazuma, Član 6. – Ponuđač se obavezuje platiti Naručiocu roba ugovornu kaznu za eventualno kašnjenje pri isporuci i to 2% (dva %) od ugovorene cijene za svaki radni dan neopravdanog kašnjenja preko roka, a najviše 5% (pet %) od ugovorene vrijednosti.

Obrazloženje:

Molimo da se ugovorna kazna umanji, jer je neopravdano visoka, i da za svaki dan kašnjenja iznosi 0,1% dnevno, a da maksimalni iznos kazne ostaje nepromijenjen.

V

Tačka 9. Potpisivanje ugovora, Podtačka 9.2.1 Ponuđači su obavezni da dostave Garanciju za ponuđenu robu, dužina trajanja treba biti navedena u ponudi, trajanje iste garancije je deset (10) godina od dana isporuke robe. Garancija za robu mora biti u formi izjave na memorandumu ponuđača potpisana i ovjerena pečatom ponuđača i koja će biti ovjerena kod nadležnog organa ili notara.

Obrazloženje:

Molimo da se garantni period smanji na 5 (pet) godina od dana isporuke, kako standardno navode proizvođači predmetne robe.

2.

Obzirom da Ugovorni organ djelimično usvaja žalbu privrednog društva Treasure doo Zenica, Ugovorni organ će izvršiti izmjene u Tenderskoj dokumentaciji, koju će proslijediti svim ponuđačima putem portala javnih nabavki koji su u roku preuzeli tendersku dokumentaciju sa Portala javnih nabavki u postupku „Javna nabavka predizoliranih cijevi, spojnice, lukova, fazonskih komada i poliuretanske pjene“ broj 01/2020 od 16.03.2020. godine i Izmjenu tenderske dokumentacije od 13.04.2020. godine.

Obrazloženje

Postupajući po žalbi ponuđača Treasure doo Zenica na tendersku dokumentaciju za „Javna nabavka predizoliranih cijevi, spojnice, lukova, fazonskih komada i poliuretanske pjene“ broj 01/2020 od 16.03.2020. godine Ugovorni organ konstatuje kao u dole navedenom tekstu:

I

Što se tiče prvog zahtjeva iz žalbe Žalitelja u vezi roka isporuke, Ugovorni organ će djelimično prihvatiti prijedlog Žalioca i izvršiti izmjenu Tenderske dokumentacije. Umjesto dosadašnjeg roka isporuke od 2 (dva) dana, rok za isporuku robe koja je predmet ove javne nabavke u Izmijenjenoj tenderskoj dokumentaciji biće 15 (petnaest) dana.

Naime Ugovorni organ je zbog specifične situacije za nabavku robe, koju nabavlja za sanaciju svakodnevnih puknuća na toplovodnom i vrelovodnom sistemu daljinskog grijanja u Kaknju tokom sezone grijanja koja u Kaknju traje 7 mjeseci definisao rok isporuke kako bi na vrijeme mogao izvršiti potrebne sanacije da korisnici ne bi bili uskraćeni za uslugu zagrijavanja. Ugovorni organ nije u stanju predvidjeti gdje i kada će doći do puknuća i na kojim profilima cijevovoda će biti (napomena cjevovod sistema daljinskog grijanja u Kaknju je dug cca 120 kilometara). Stoga se opredijelio na Okvirni sporazum sa sukcesivnom isporukom po potrebi koja se ukaže. Ugovorni organ ne posjeduje skladišni prostor na koji bi mogao smjestiti veću količinu robe (obzirom da se radi o gabaritnoj robi – cijevi na 12 metara). Također zbog ograničenih finansijskih sredstava, odlučili smo se za sukcesivnu isporuku jer nismo u prilici nabaviti veće količine robe u jednoj isporuci i tako ugroziti likvidnost poslovanja.

Međutim, zbog sumnje Žalitelja na postupak, Ugovorni organ želeći učiniti postupak transparentnijim djelimično prihvata žalbu po ovoj tački tenderske dokumentacije i mijenja rok isporuke: umjesto 2 (dva) dana, rok isporuke za robu iz ovog predmeta javne nabavke će biti 15 (petnaest) dana jer smatramo da se predmetna roba može isporučiti u roku od 15 dana od dana prijema narudžbenice Ugovornog organa.

II

Što se tiče dijela žalbe po tački II (Tačka 6: Kvalifikacija, Podtačka 6.5. – Ocjena ekonomskog i finansijskog stanja dobavljača i Podtačke 6.7 Ocjena tehničke i profesionalne sposobnosti dobavljača), **Ugovorni organ ostaje pri traženim uslovima gdje zahtijeva dostavljanje Izjave o ukupnom prometu u predmetnom segmentu poslovanja u iznosu od 600.000,00 KM.**

Ugovorni organ konstatuje da je procijenjena vrijednost ove javne nabavke 790.000,00 KM za tri godine trajanja ugovora, a da je tražena referenca 600.000,00 KM što je manje nego sama procjena.

Traženu referencu ne smatramo previsokom jer je ista manja nego je sama procjena javne nabavke i smatramo da svi ozbiljni ponuđači predmeta javne nabavke, istu bez problema mogu zadovoljiti. Ova referenca i Izjava predstavljaju jedan element osiguranja da ponuđač može izvršiti isporuku predmeta javne nabavke a što će treća strana i potvrditi.

III

Ugovorni organ ostaje pri traženim uslovima u pogledu Garancije za dobro izvršenje ugovora, odnosno **da se ista ne traži**. Naime, kako je definisano Tenderskom dokumentacijom po ovoj Javnoj nabavci planirano je potpisivanje Okvirnog sporazuma sa obavezom potpisivanja pojedinačnih ugovora tokom perioda od 3 godine na koji bi glasilo Okvirni sporazum za svaku pojedinačnu isporuku. Ugovorni organ ne može predvidjeti koliko će biti pojedinačnih isporuka, odnosno koliko će biti potpisano Pojedinačnih ugovora. Za svaki takav pojedinačni ugovor, ako bi se prihvatio zahtjev žalioaca, Izabrani ponuđač bi morao obezbijediti Bankarsku garanciju, što bi dodatno usložnilo proces a samu nabavku učinilo skupljom jer bi svaka garancija zahtjevala plaćanje troškova banci a te troškove bi Ponuđač ukalkulisao u svoju konačnu cijenu ponuđene robe.

IV

Ugovorni organ nakon ponovnog pregleda i analize zahtjeva po pitanju ugovorne kazne djelimično prihvata prijedlog Žalitelja i umjesto do sada navedene kazne od 2% (dva%) za eventualno neopravdano kašnjenje preko roka za svaki radni dan istu mijenja i u Izmjeni tenderske dokumentacije u dijelu Nacrta Okvirnog sporazuma, ista će iznositi 0,3% za svaki radni dan neopravdanog kašnjenja preko roka a najviše do 5% (pet%) od ugovorene vrijednosti.

V

Što se tiče zahtjeva Žalitelja na Tačku 9 Potpisivanje ugovora Podtačka 9.2.1. (U tenderskoj dokumentaciji ova podtačka je navedena kao 9.5.1. Garancija za ponuđenu robu, što pretpostavljamo da je previd Žalitelja i štamparska greška) Ugovorni organ ostaje pri traženoj garanciji za ponuđenu robu i trajanje iste garancije je deset (10) godina od dana isporuke robe. U svim dosadašnjim nabavkama u proteklim godinama od strane ponuđača je prihvatana obaveza garancije od 10 godina, što i Ugovorni organ prihvata kao zadovoljavajući rok. Ugovornom organu nije poznato da je garantni rok za robu iz javne nabavke standardizovan. Garancija mora biti u formi izjave na memorandumu ponuđača potpisana i ovjerena pečatom ponuđača i koja će biti ovjerena kod nadležnog organa ili notara.

Na osnovu gore djelimično prihvaćenih prijedloga Žalitelja, Ugovorni organ će izvršiti izmjenu Tenderske dokumentacije popostupku „Javna nabavka predizoliranih cijevi, spojnice, lukova, fazonskih komada i poliuretanske pjene“ broj 01/2020 od 16.03.2020. godine i produžiti rok za dostavu ponuda za 7 (sedam) dana odnosno krajnji rok za predaju ponuda će biti 06.05.2020. godine do 13:00 sati.

Pouka o pravnom lijeku:

Protiv ovog Rješenja može se izjaviti žalba Uredu za razmatranje žalbi BiH u roku od pet dana od dana prijema Rješenja, putem ovog Ugovornog organa

Dostaviti:

- Treasure doo Zenica
- Komisija za javne nabavke
- a/a

.....
Mirnes Bajtarević, direktor